

KIS Interpretimi 29

Marrëveshjet e Konkensionit për shërbimet: Dhënia e informacioneve shpjeguese

Ky version përfshin ndryshimet që rrjedhin nga SNRF-të e publikuara deri më datën 31 dhjetor 2006.

KIS-29 Dhënia e Informacioneve shpjeguese— Marrëveshjet e konkensionit për shërbimet — u publikua nga Komiteti i Përhershëm i Interpretimeve në dhjetor 2001. Titulli i tij u ndryshua nga KIRFN 12 (shih më poshtë).

KIS-29 dhe dokumentet e tij shoqërues janë ndryshuar nga deklaratimet e mëposhtme:

- SNK 1 *Paraqitja e pasqyrave financiare* (i publikuar në dhjetor 2003)
- KIRFN 12 *Marrëveshjet Konkensionare të shfrytëzimit* (publikuar në Nëntor 2006).

KIS Interpretimi 29 *Marrëveshjet e koncensionit për shërbimet: Dhënia e informacioneve shpjeguese* (KIS-29) është parashtruar në paragrafët 6 dhe 7. KIS-29 shoqërohet nga një Bazë për konkluzione. Objekti dhe autoriteti i Interpretimeve jepen në paragrafët 1 dhe 8–10 të KIRFN-së *Parathënie*.

KIS Interpretimi 29

Marrëveshjet e koncensionit për shërbimet: Dhënia e informacioneve shpjeguese

Referencat

- SNK 1 *Paraqitja e Pasqyrave Financiare* (i rishikuar në vitin 2003)
- SNK 16 *Toka, ndërtesa, makineri e pajisje* (i rishikuar në vitin 2003)
- SNK 17 *Qiratë* (i rishikuar në vitin 2003)
- SNK 37 *Provizionet, Pasivet dhe Aktivet e kushtëzuara*
- SNK 38 *Aktivitet jo-materiale* (i rishikuar në vitin 2004)

Çështja

- 1 Një njësi ekonomike (operatori) mund të lidhë një marrëveshje me një tjetër njësi ekonomike (dhënësi i koncensionit) për të siguruar shërbime që i japin mundësi publikut të shfrytëzojë lehtësirat ekonomike dhe shoqërore. Dhënësi i koncensionit mund të jetë një njësi ekonomike e sektorit privat ose atij publik, përfshirë një organ qeveritar. Shembuj të marrëveshjeve të koncensionit për shërbimet përfshijnë ato për lehtësirat e furnizimit dhe të trajtimit të ujit, autostradat, vendparkimet, tunelet, urat, rrjetet e aeroporteve dhe telekomunikacionit. Shembuj të marrëveshjeve që nuk janë marrëveshje të koncensionit për shërbime përfshijnë një njësi ekonomike që ofron mundësinë e shfrytëzimit të shërbimeve të saj të brendshme (p.sh. bar kafe për punonjësit, mirëmbajtja e ndërtesës dhe funksionet e kontabilitetit dhe të teknologjisë së informacionit).
- 2 Një marrëveshje koncensionare shërbimi në përgjithësi përfshin dhënien e koncensionit që i kalon operatorit për periudhën e koncensionit:
 - (a) të drejtën e kryerjes së shërbimeve që i japin publikut mundësinë të shfrytëzojë lehtësirat kryesore ekonomike dhe shoqërore, dhe
 - (b) në disa raste, të drejtën për të përdorur aktivet materiale të specifikuar, aktivet jomateriale, ose aktivet financiare,
 në këmbim që operatori nga ana e tij:
 - (c) të angazhohet për të siguruar shërbime në lidhje me disa terma dhe kushte gjatë periudhës së koncensionit, dhe
 - (d) kur është mundur, të kthejë në fund të periudhës së koncensionit të drejtat e marra në fillim të kësaj periudhe dhe/ose të përfutur gjatë periudhës së koncensionit.
- 3 Karakteristika e përbashkët e të gjitha marrëveshjeve të koncensionit për shërbimet është që operatori merr një të drejtë dhe ka një detyrim për të kryer shërbime publike.
- 4 Çështja është se çfarë informacioni shpjegues duhet të jepet në shënimet në pasqyrat financiare të një operatori dhe një koncensiondhënësi.
- 5 Disa aspekte dhe dhënia e informacioneve shpjeguese në lidhje me disa nga marrëveshjet e koncensionit për shërbimet, tashmë, janë trajtuar nga Standardet ekzistuese të Raportimit Financiar (p.sh. SNK 16 zbatohet për zërat toka, ndërtesa, makineri e pajisje, SNK 17 zbatohet për qiratë e aktiveve dhe SNK 38 zbatohet për blerjet e aktiveve jomateriale). Megjithatë, një marrëveshje koncensionit për shërbime mund të përfshijë kontratat përmbaruese që nuk janë trajtuar në Standardet e Raportimit Financiar, me përjashtim kur ato janë detyruese, rast në të cilin zbatohet SNK 37. Prandaj, ky Interpretim trajton dhënien e informacioneve shpjeguese shtesë për marrëveshjet e koncensionit për shërbimet.

Konsensusi

- 6 Për të përcaktuar informacionin e duhur shpjegues që jepet në shënimet do të trajtohen të gjitha aspektet e një marrëveshjeje koncensionit për shërbime. Në çdo periudhë, një operator dhe një koncensiondhënësi do të japin informacionin shpjegues të mëposhtëm:

- (a) një përshkrim të marrëveshjes;
 - (b) termat e rëndësishëm të marrëveshjes që mund të ndikojnë në shumën, afatin dhe në sigurinë e flukseve monetare (p.sh. periudha e koncensionit, datat e rivendosjes së çmimit dhe bazën mbi të cilën përcaktohet rivendosja ose rinegociimi i çmimit);
 - (c) natyra dhe shtrirja (p.sh. sasia, periudha kohore ose shumën e duhur) e:
 - (i) të drejtave për të përdorur aktivet e specifikuar;
 - (ii) detyrimeve për të siguruar ose të drejtave për të kërkuar sigurimin e shërbimeve;
 - (iii) detyrimeve për të përfutur ose ndërtuar zërat toka, ndërtesa, makineri e pajisje;
 - (iv) detyrimeve për të dorëzuar ose të drejtave për të marrë aktivet e specifikuar në fund të periudhës së koncensionit;
 - (v) opsioneve të rinovimit dhe të përfundimit; dhe
 - (vi) të drejtave dhe detyrimeve të tjera (p.sh. kontrollat e përgjithshme); ;
 - (d) ndryshimet që ndodhin në marrëveshje gjatë periudhës; dhe
 - (e) si janë klasifikuar marrëveshjet e shërbimit.
- 6A Një operator do të japë informacion shpjegues për shumën e të ardhurave dhe fitimeve ose humbjeve të njohura nga kryerja e shërbimeve të ndërtimit në këmbim të një aktivi financiar ose një aktivi jomaterial.
- 7 Në përputhje me paragrafin 6 të këtij Interpretimi, informacioni shpjegues kërkohej të jepet veças për çdo marrëveshje koncensionit për shërbime ose në total për secilën klasë të këtyre marrëveshjeve. Një klasë është një grupim i marrëveshjeve të koncensionit për shërbime të të njëjtës natyre (p.sh. mbledhja e taksave, shërbimet e telekomunikacionit dhe të trajtimit të ujit).

Baza për konkluzione

[Teksti original është bërë i dallueshëm për të pasqyruar rishikimin e bërë në SNK 1 në vitin 2003 dhe daljen e KIRFN 12 në vitin 2006: teksti i ri është nënvizuar, ndërsa teksti i fshirë i është hequr vizë.]

- 8 Paragrafi 15 i *Kuadrit* thotë se vendimet ekonomike të ndërmarra nga përdoruesit e pasqyrave financiare kërkojnë të bëhet një vlerësim i aftësisë së njësisë ekonomike për të gjeneruar mjete monetare dhe ekuivalentë të mjeteve monetare, si dhe i afatit dhe sigurisë së gjenerimit të tyre. Paragrafi 21 i *Kuadrit* thotë se pasqyrat financiare përmbajnë gjithashtu shënime, informacion plotësues dhe informacion tjetër. Për shembull, ato mund të përmbajnë informacion shtesë që lidhet me kërkesat e përdoruesve rreth zërave të bilancit dhe të pasqyrës së të ardhurave. Gjithashtu, ato mund të përfshijnë dhënien e informacioneve shpjeguese mbi rreziqet dhe pasiguritë që prekin njësinë ekonomike, si dhe burimet dhe detyrimet që nuk janë njohur në bilanc.
- 9 Një marrëveshje koncensionit për shërbime shpesh ka kushte ose tipare të rëndësishme që garantojnë dhënien e informacioneve shpjeguese të nevojshme që ndihmojnë në vlerësimin e shumës, afatit dhe sigurisë së flukseve të mjeteve monetare, natyrën dhe shtrirjen e të drejtave të ndryshme dhe detyrimet e përfshira. Të drejtat dhe detyrimet e lidhura me shërbimet që duhet të kryhen zakonisht kanë të bëjnë me përfshirjen në një nivel të lartë të publikut (p.sh. për të siguruar energji elektrike për një qytet). Detyrime të tjera mund të lidhen me veprime të tilla të rëndësishme si ndërtimin e një aktivi të infrastrukturës (p.sh. centrali elektrik) dhe dorëzimin e këtij aktivi tek ~~koncensionsiguruesi~~ dhënësi i koncensionit në fund të periudhës së koncensionit.
- 10 SNK 1.94103(c) kërkon që shënimet e ~~njësisë ekonomike~~ një njësie ekonomike ~~në pasqyrat financiare të një ndërmarrje~~ të japin informacion shtesë ~~i cili që nuk paraqitet në pasqyrat financiare përmbajtjen e bilancit,~~ pasqyrës së të ardhurave, pasqyrës së ndryshimeve në kapital ose pasqyrës së fluksit të mjeteve monetare, por që është e nevojshme për një paraqitje të drejtë në lidhje me kuptimin e secilës prej tyre. SNK 1.93 Përkufizimi i shënimeve në SNK 1.11 tregon se shënimet ~~tek pasqyrat financiare përfshijnë~~ japin përshkrime tregimtare ose analiza më të hollësishme mospërputhjet e shumave të treguara në përmbajtjen e zërave që paraqiten në bilanc, pasqyrën e të ardhurave, pasqyrën e ndryshimeve në kapital dhe pasqyrën e fluksit të mjeteve monetare dhe ~~pasqyrën e ndryshimeve në kapital,~~ ashtu edhe informacionin shtesë si për shembull për pasivet dhe angazhimet ~~e kushtëzuara~~ rreth zërave që nuk kualifikohen për njohje në këto pasqyra.

Data e konsensusit

Maj 2001

Data e hyrjes në fuqi

Ky Interpretim hyn në fuqi më datën 31 dhjetor 2001.

